



UXWEBHU LOKUQONDA UKUBA SENGOZINI KWABABETHWAYO EKHAYENI

Uxwebhu Lokuqonda Ukuba Sengozini Kwababethwayo Ekhayeni ikakhulu lolokusetyenziswa ngabantu ababethwa zizithandwa zabo. Injongo yalo kukubanceda baqonde ukuba banokuba sengozini kangakanani ngokuqhubeka benento yokwenza nomntu obaxhaphazayo. Uxwebhu olunjongo yalo ikukuxhobisa la maxhoba ukuba enze isigqibo esisiso malunga nokuba mabaphume kusini na kobo budlelwane njengendlela yokuzikhusela kokunye ukuxhatshazwa okunokuthi kubangele ukubulalana kwabantu bandawonye ukuba akungenelelwa.

IZINTO EZIBONISA UKUBA SENGOZINI	EWE	HAYI
1. Ngaba iqabane lakho lakhe lakusongela ngokukubulala okanye ngokukwenzakalisa wena okanye usapho lwakho?		
2. Ngaba iqabane lakho lakhe lathembisa ukukubetha okanye lakubetha wena okanye usapho lwakho, okanye lafuna omnye umntu ukuba enze oko, lisebenzisa izigalo okanye isixhobo esiyingozi (njengemela, imbiza okanye umpu, njl?)		
3. Ngaba iqabane lakho lakhe lenzakalisa okanye labulala ilungu losapho okanye isilwanyana sasekhaya okanye lasongela ngokwenza njalo?		
4. Ngaba unexhala lokuba iqabane lakho lingenzakalisa usana lwakho olusesesiswini okanye abantwana abahlala nawe?		
5. Ngaba iqabane lakho lakhe lafunyaniswa linetyala lokungawuthobeli umyalelo wenkundla wokukukhusela?		
6. Ngaba iqabane lakho lisoloko likuthuka okanye likuthob' isidima okanye likubek' ityala ngazo zonke iingxaki zalo ngenjongo yokuba ungcungcutheke?		
7. Ngaba iqabane lakho lisoloko likulandela apho uya khona okanye likwenze intlondi, okanye lenze njalo kumaqonga onxibelelwano okanye ngokukubhalela umyalezo ngefowuni okanye nge-imeyile okanye lakhe lafuna omnye umntu ukuba enze oko?		
8. Ngaba iqabane lakho lakonakalisela impahla, njengokukhupha umoya emavilini emoto yakho okanye laphula iifestile zakho okanye iingcango?		
9. Ngaba iqabane lakho lakhe lakunyanzela ukuba nilale ngenkani okanye wenze nasiphi na isenzo sesondo ungavumanga?		
10. Ngaba iqabane lakho liyakulawula ekusebenziseni imali yakho okanye lithathe imali yakho ngaphandle kwemvume yakho okanye lingakuvumeli ukuba uphangele okanye uzifumanele imali?		
11. Ngaba iqabane lakho liyafikelela kwindawo enompu okanye kwindawo enesixhobo esiyingozi?		
12. Ngokubona kwakho ngaba iqabane lakho linengxaki yotywala okanye yeziyobisi okanye yeepilisi ezigunyazwe ngugqirha kodwa ezisengakhokelela ekubeni libe ndlobongela?		
13. Ngaba iqabane lakho linobukhwele okanye liyakulawula?		
14. Ngaba iqabane lakho lingaphandle ngebheyile okanye ngeparoli, okanye likhe latsala isigwebo sasentolongweni okanye lakhutshwa kutshanje eluvallelweni malunga nesenzo esikukona esibandakanya ukubetha?		
15. Ngaba ukubetha kwakhe okanye ukukulawula kuya kusiba kubi ngakumbi?		
Inani lilonke lezinto ezibonisayo		

Ukuba uyabethwa ekhaya ukhuthazwa ukuba uphendule ngokunyaniseka kwimibuzo engentla. Ukuba kukho imibuzo oyiphendule ngo-EWE, usemngciphekweni wokubethwa kwakhona okanye wokubulawa. UNGAPHOZISI MASEKO. Thath' inyathelo namhlanje ukubike ukuxhatshazwa kwisikhululo samapolisa esikufuphi. Unokuya nakwinkundla kamantyi yalapho ukhoyo wenze isicelo somyalelo wenkundla wokukhuselwa ngokweDomestic Violence Act 116 ka-1998.

Icandelo eliyintloko: Ukukhuthazwa kwamalungelo abantu abazisisulu.

Umnxeba: (012) 315 1111 | Ifeksi: (012) 315 1851 | <http://www.justice.gov.za>



the doj & cd

Department:
Justice and Constitutional Development
REPUBLIC OF SOUTH AFRICA